

晉

書

斟

注

晉書斟注卷二十九

錢塘吳士鑑

同注

烏程劉承幹

志第十九

五行下

傳曰聽之不聰是謂不謀厥咎急厥罰恆寒厥極貧時則有鼓妖時則有魚孽時則有豕鬲時則有耳癩時則有黑眚黑祥惟火沴水聽之不聰是謂不謀言上偏聽不聰下情隔塞則謀慮利害

漢志謀慮上有不能一字  
案本志誤脫當從漢志

失在嚴急故其咎急也盛冬日短寒以殺物政促迫故

其罰常寒也寒則不生百穀上下俱貧故其極貧也君

嚴猛而閉下臣戰慄而塞耳則妄聞之氣發於音聲故

有鼓妖

漢志慄作栗漢書補注葉德輝曰南齊志引五行聽傳日不聽之象見則妖生於耳以類相動

故日有鼓妖也一日聲屬

寒氣動故有魚孽而龜能爲孽

漢志作雨以龜爲孽

龜能陸處非極陰也魚去水而死極陰之孽也於易坎

爲水爲豕

漢志無爲水二字

豕大耳而不聰察聽氣毀故有豕

鬼也一日寒歲豕多死及爲怪亦是也及人則多病耳

者故有耳病水色黑故有黑眚黑祥凡聽傷者病水氣

水氣病則火沴之其極貧者順之其福曰富劉歆聽傳

日有介蟲之孽也

庶徵之恆寒劉歆以爲大雨雪及未當雨雪而雨雪及

大雨雹隕霜殺菽艸

漢志菽作叔

皆恆寒之罰也京房易傳

曰有德遭險茲謂逆命厥異寒誅罰過深

漢志無罰字漢書補注曰

晉宋志誅下有罰字其下又云誅罰過深之應明此脫罰字

當燠而寒盡六日亦爲

雹害正不誅茲謂養賊寒七十二日殺飛禽

漢志飛禽作蜚道

人始去茲謂傷其寒物無霜而死涌水而出戰不量敵

茲謂辱命其寒雖雨物不茂聞善不予厥咎龔

吳孫權嘉禾三年九月朔隕霜傷穀案劉向說誅罰不

由君出在臣下之象也是時校事呂壹專作威福與漢

元帝時石顯用事隕霜同應班固書九月二日陳壽言

朔皆明未可以傷穀也壹後亦伏誅京房易傳曰興兵  
妄誅茲謂亡法厥災霜夏殺五穀冬殺麥誅不原情茲  
謂不仁其霜夏先大雷風冬先雨乃隕霜有芒角賢聖  
遭害其霜附木不下地佞人依刑茲謂私賊其霜在艸  
根土隙間不教而誅茲謂虐其霜反在艸下 四年七  
月雨雹又隕霜案劉向說雹者陰脅陽也是時呂壹作  
威用事詆毀重臣排陷無辜自太子登以下咸患毒之  
而壹反獲封侯寵異與春秋時公子遂專任雨雹同應  
也漢安帝信讒多殺無辜亦雨雹董仲舒曰凡雹皆爲  
有所脅行專一之政故也

赤烏四年正月大雪平地深三尺烏獸死者大半是年  
夏全琮等四將軍攻略淮南襄陽戰死者千餘人其後  
權以讒邪數責讓陸議議憤恚致卒與漢景武大雪同  
事 十一年四月雨雪是時權聽讒將危太子其後朱  
據屈晃以迂意黜辱陳正陳象以忠諫族誅而太子終  
廢此有德遭險誅罰過深之應也

武帝泰始六年冬大雪 七年十二月又大雪

書鈔一百五十一

二晉朝雜事曰泰始七年冬上隴雪五尺

明年有步闡楊肇之敗死傷甚眾

不聽之罰也 九年四月辛未隕霜是時賈充親黨比  
周用事與魯定公漢元帝時隕霜同應也

咸寧三年八月平原安平上黨泰山四郡霜害三豆是  
月河閒暴風寒冰郡國五隕霜傷穀是後大舉征吳馬  
隆又帥精勇討涼

元作梁

州

五年五月丁亥鉅鹿魏郡

雨雹傷禾麥辛卯鴈門雨雹傷秋稼六月庚戌汝郡廣  
平陳留滎陽雨雹景辰又雨雹隕霜傷秋麥千三百餘  
頃壞屋百二十餘間

宋志二十  
作三十

癸亥安定雨雹七月景

申魏郡又雨雹閏月壬子新興又雨雹八月庚子河南  
河東弘農又雨雹

讀史舉正曰案本紀上四年正月庚  
午朔下太康元年正月己丑朔則五

年六月無癸亥七月無  
丙申八月無庚子等日

兼傷秋稼三豆

太康元年三月河東高平霜雹傷桑麥

武帝紀作  
四月雨雹

河南河內河東魏郡弘農兩雹傷麥豆是月庚午畿內  
縣二及東平范陽兩雹癸酉畿內縣五又兩雹五月東  
平平陽上黨鴈門濟南兩雹傷禾麥三豆是時王濬有  
大功而權戚互加陷抑帝從容不斷陰脅陽之應也

二年二月辛酉隕霜于濟南琅邪傷麥壬申琅邪兩雹  
傷麥三月甲午河東隕霜害桑五月景戌城陽章武琅  
邪傷麥庚寅河東樂安東平濟陰弘農濮陽齊國頓丘  
魏郡河內汲郡上黨兩雹傷禾稼六月郡國十七兩雹  
武帝紀及宋志作十六 七月上黨兩雹 三年十二月大雪 五  
年七月乙卯中山東平兩雹傷秋稼甲辰中山兩雹九



月南安大雪折木 六年二月東海隕霜傷桑麥三月

戊辰齊郡臨淄長廣不其等四縣樂安梁鄒等八縣

案劉

頌傳追封梁鄒縣侯解系傳父修封梁鄒侯是晉有梁鄒縣也地理志脫一梁字

琅邪臨沂等

八縣河閒易城等六縣高陽北陽新城等四縣隕霜傷

桑麥

案地理志高陽國有北新城縣此於北字下衍一陽字宋志卽作北新城

六月滎陽汲

郡鴈門兩雹

八年四月齊國天水二郡隕霜十二月

大雪

九年正月京都大風雨雹發屋拔木四月隴西

隕霜

十年四月郡國八隕霜

惠帝元康二年八月沛及蕩陰雨雹

三年四月滎陽

雨雹六月弘農湖城華陰

周家祿校勘記曰城衍文

又雨雹深三尺

是時賈后凶淫專恣與春秋魯桓夫人同事陰氣盛也

五年六月東海雨雹深五寸十二月丹楊建鄴雨雹

是月丹楊建鄴大雪 六年三月東海隕雪殺桑麥

七年五月魯國雨雹七月秦雍二州隕霜殺稼也

惠帝紀作

雍九年三月旬有八日河南滎陽潁川隕霜傷禾五月  
雨雹是時賈后凶躁滋甚及冬遂廢愍懷

永宣元年七月襄城河南雨雹十月襄城河南高平平  
陽又風雹折木傷稼

光熙元年閏八月甲申朔霰雪劉向日盛陽雨水傷熱  
陰氣脅之則轉而爲雹盛陰雨雪凝滯陽氣薄之則散

而爲霰今雪非其時此聽不聰之應是年帝崩

孝懷帝永嘉元年十二月冬雪平地三尺 七年十月

讀史舉正曰當  
作建興元年 庚午大雪

元帝太興二年三月丁未成都風雹殺人 三年三月

海鹽雨雹

案御覽十四晉中興書曰大興二年海鹽雨  
雹大如鴨子二字爲三之譌又引一條不誤

惟無海鹽

二字書鈔一百五  
十二引作興平三十年大誤

是時王敦陵上

永昌二年十二月

案永昌無二年  
當作太寧元年

幽冀并三州大雨

明帝太寧元年十二月幽冀并三州大雪

案上文既誤  
以太寧元年

爲永昌二年此又錯出一條實以一事誤爲兩  
事也惟大雨乃大雪之譌宋志亦兩列之誤同 二年四

月庚子京都雨雹鸞雀死 三年三月丁丑雨雪癸巳

隕霜四月大雨雹是年帝崩尋有蘇峻之亂

成帝咸和六年三月癸未雨雹是時帝幼弱政在大臣

九年八月成都大雪是歲李雄死

晉書校文二日以帝紀攷之雄死在

是年六月八月大雪已在其後不當強附爲雄死之徵宋志是歲作是日尤誤

咸康二年正月丁巳

周家祿校勘記日四月誤正月

皇后見于太廟其

夕雨雹

康帝建元元年八月大雪是時政在將相陰氣盛也劉

向日凡雨陰也雪又雨之陰也出非其時迫近象也

穆帝永和二年八月

宋志作三年

冀方大雪人馬多凍死

五年六月臨漳暴風震電雨雹大如升 十年五月涼

州雪明年八月張祚枹罕護軍張瓘率宋混等攻滅祚

更立張曜靈弟玄彭

載記曜作耀彭作觀宋志宋作宗晉書校文二日帝紀瓘弑祚在七

月非八月雪祚傳作霜

京房易傳曰夏雪戒臣爲亂此其亂之應

也 十一年四月壬申朔霜十二月戊午雷己未雪是時帝幼母后稱制政在大臣陰盛故也

升平二年正月大雪

海西公太和三年四月雨雹折木

孝武太元二年四月己酉雨雹十二月大雪是時帝幼政在將相陰之盛也 十一年四月己丑雨雹 二十

年五月癸卯上虞雨雹 二十一年四月丁亥雨雹是

時張夫人專寵及帝暴崩兆庶尤之十二月雨雪二十三日是時嗣主幼冲冢宰專政

安帝隆安二年三月乙卯

宋志乙卯作己卯

雨雹是秋王恭殷

仲堪稱兵內侮終皆誅之也

元興二年十二月酷寒過甚是時桓玄篡位政事煩苛識者以爲朝政失在舒緩立則反之以酷案劉向日周衰無寒歲秦滅無燠年此之謂也 三年正月甲申霰雪又雷雷霰同時皆失節之應也四月景午江陵雨雹是時安帝蒙塵

義熙元年四月壬申雨雹是時四方未一鉦鼓日戒

五年三月己亥雪深數尺

安帝紀作乙亥  
宋志作數寸

五月癸巳溼

陽雨雹九月己丑廣陵雨雹明年盧循至蔡州 六年

正月景寅雪又雷五月壬申雨雹 八年四月辛未朔

雨雹六月癸亥雨雹大風發屋是秋誅劉蕃等

安帝紀  
作劉藩

十年四月辛卯雨雹

雷震

魏明帝景初中洛陽城東橋城西洛水浮橋桓楹同日  
三處俱時震尋又震西城上候風木飛鳥時勞役大起  
帝尋晏駕

吳孫權赤烏八年夏震宮門柱文擊南津大橋桓楹

孫亮建興元年十二月朔大風震電是月又雷雨義同  
前說亮終廢

武帝太康六年十二月甲申朔淮南郡震電 七年十  
二月己亥毗陵雷電南沙司鹽都尉戴亮以聞 十年  
十二月癸卯廬江建安雷電大雨

惠帝永康元年六月癸卯震崇陽陵標西南五百步標  
破爲七十片是時賈后陷害鼎輔寵樹私戚與漢桓帝  
時震憲陵寢同事也后終誅滅

永興二年十月丁丑雷震

宋志雷震  
作雷電一

懷帝永嘉四年十月震電



愍帝建興元年十一月戊午會稽大雨震電己巳夜赤  
氣曜於西北是夕大雨震電庚午大雪案劉向說雷以  
二月出八月入今此月震電者陽不閉藏也既發泄而  
明日便大雪皆失節之異也是時劉載僭號平陽李雄  
稱制於蜀九州幅裂西京孤微爲君失時之象也赤氣  
赤祥也

元帝太興元年十一月乙卯暴雨雷電

御覽八百七十一  
六晉中興書徵

祥說曰大興元年十一月京都  
雷震凡未應雷而雷皆恒煥也

永昌二年七月庚子朔雷震太極殿柱

案明帝紀作太  
宣元年七月景

子朔震太極殿柱永昌無二年是年明帝已改爲  
太宣元年也宋志亦作太宣元年七月丙子朔

十二

月會稽吳郡雷震電

成帝咸和元年十月己巳會稽郡大雨震電 二年六

月辛卯

宋志作三年

臨海大雷破郡府內小屋柱十枚殺人

九月二日壬午立冬會稽雷電 四年十一月

宋志作十二月

吳郡會稽又震電

穆帝永和七年十月壬午雷雨震電

升平元年十一月庚戌雷乙丑又雷

御覽八百七十六引晉中興書徵祥

說作升平二年十一月雷時皇太后臨朝政舒緩也案本紀元年二年均十一月雷

五年十月

庚午雷發東南方

孝武帝太元五年六月甲寅雷震含章殿四柱并殺內

侍二人 十年十二月雷聲在南方 十四年七月甲

寅雷震燒宣陽門西柱

安帝隆安二年九月壬辰雷雨

元興三年永安皇后至自巴陵將設儀導入宮天雷震人馬各一俱殪焉

義熙四年十一月辛卯朔西北方疾風發癸丑雷六月

景寅雷震太廟破東鷓尾徹柱

書鈔一百四十二晉中興書曰安帝義熙三年

霹靂震太廟柱若有文字御覽十三引晉安帝紀作二年六月又一百八十八引晉安帝紀作義熙四年六月

案志於義熙四年十一月辛卯朔及癸丑雷下接叙六月景寅六月不得在十一月之下蓋六月上脫去五年

二字安帝本紀義熙五年六月景寅震于太廟六年五月景寅又有震太廟鷓尾疑卽一事而本紀又誤列兩

年蓋此事確在五年也宋志作五年不誤晉中興書三年安帝紀或作二年或作四年皆傳寫之譌又震太子西池合堂是時帝不親蒸嘗故天震之明簡宗廟也西池是明帝爲太子時所造次故號太子池及安帝多病患無嗣故天震之明無後也六年正月景寅雷又雪十二月壬辰大雷九年十一月甲戌雷乙亥又雷

鼓妖

惠帝元康九年三月有聲若牛出許昌城十二月廢愍懷太子幽于許宮明年賈后遣黃門孫慮殺太子擊以藥杵聲聞于外是其應也

蘇峻在歷陽外營將軍鼓自鳴如人弄鼓者峻手自破  
之曰宋志破我鄉土時有此則城空矣俄而作亂夷滅  
此聽不聽之罰也

石季龍末洛陽城西北九里石牛在青石趺上忽鳴聲  
聞四十里季龍遣人打落兩耳及尾鐵釘釘四腳尋而  
季龍死

孝武太元十五年三月己酉朔東北方有聲如雷案劉  
向說以爲雷當託於雲猶君託於臣無雲而雷此君不  
恤於下下人將叛之象也及帝崩而天下漸亂孫恩桓  
玄交陵京邑

吳興長城夏架山有石鼓長丈餘面徑三尺所下有盤石爲足鳴則聲如金鼓三吳有兵至安帝隆安中大鳴後有孫恩之亂御覽四十六華山下引輿地志曰山上有石鼓晉隆安中鳴乃有孫恩之亂山在縣西六十里案所引顧野王書但言縣西不詳何縣而華山是否爲夏架山之異名他無可攷然必爲一事無疑也

魚孽

魏齊王嘉平四年五月有二魚集于武庫屋上此魚孽也王肅曰魚生於水而亢於屋介鱗之物失其所也邊將其殆有弃甲之變乎後果有東關之敗干寶又以爲高貴鄉公兵禍之應二說皆與班固旨同

武帝太康中有鯉魚二見武庫屋上干寶以爲武庫兵  
府魚有鱗甲亦兵類也魚既極陰屋上太陽魚見屋上  
象至陰以兵革之禍干太陽也至惠帝初誅楊駿廢太  
后矢交館閣元康末賈后誦殺太子尋亦誅廢十年之  
閒母后之難再興是其應也自是禍亂搆矣京房易傳  
曰宋志易傳作易妖魚去水飛入道路兵且作

蝗蟲

春秋螽劉歆從介蟲之孽與魚同占

魏文帝黃初三年七月冀州大蝗人飢案蔡邕說蝗者  
在上貪苛之所致也是時孫權歸順帝因其有西陵之

役舉大眾襲之權遂背叛也

武帝泰始十年六月蝗是時荀賈任政疾害公直

惠帝永寧元年郡國六蝗

懷帝永嘉四年五月大蝗自幽并司冀至于秦雍草本  
牛馬毛鬣皆盡是時天下兵亂漁獵黔黎存亡所繼惟  
司馬越苟晞而已競爲暴刻經略無章故有此孽

愍帝建興四年六月大蝗去歲劉曜頻攻北地馮翊麴  
允等悉眾御之卒爲劉曜所破西京遂潰 五年帝在  
平陽司冀青雍蝻

元帝太興元年六月蘭陵合鄉蝗害禾稼乙未東莞蝗



蟲縱廣三百里吉苗稼七月東海彭城下邳臨淮四郡  
蝗蟲害禾豆八月冀青徐三州蝗食生草盡至于二年  
是時中州淪喪暴亂滋甚也 二年五月淮陵臨淮淮

南安豐廬江等五郡蝗蟲食秋麥是月癸丑徐州及揚

州江西諸郡蝗

案宋志是月以下作大興二年五月別爲一條未知孰是

吳郡百姓

多餓死去年王敦并領荊州苛暴之釁自此興矣

孝武帝太元十五年八月兗州蝗是時慕容氏逼河南  
征戍不已故有斯孽 十六年五月飛蝗從南來集堂

邑縣界害苗稼是年春發江州兵營甲士二千人  
六七十配護軍及東宮後尋散亡殆盡又邊將連有征

役故有斯孽

豕豷

吳孫皓寶鼎元年野豕入右大司馬丁奉營此豕豷也  
後奉見遣攻穀陽無功而反皓怒斬其導軍及舉大眾  
北出奉及萬彘等相謂曰若至華里不得不各自還也  
此謀泄奉時雖已死皓追討穀陽事殺其子溫家屬皆  
遠徙豕豷之應也龔遂曰山野之獸來入宮室宮室將  
空又其象也

懷帝永嘉中壽春城內有豕生兩頭而不活周馥取而  
觀之時識者云豕北方畜胡狄象兩頭者無上也生而

死不遂也天戒若曰勿生專利之謀將自致傾覆也周  
馥不寤遂欲迎天子令諸侯俄爲元帝所敗是其應也  
石勒亦尋渡淮百姓死者十有其九宋志作百姓死者十八九  
元帝建武元年有豕生八足此聽不聰之罰又所任邪  
也是後有劉隗之變

成帝咸和六年六月錢唐人家豶豕產兩子而皆人面  
如胡人狀其身猶豕京房易妖曰豕生人頭豕身者危  
且亂宋志危作邑今此豶豕而產異之甚者也

孝武帝太元十年四月京都有豚一頭二脊八足宋志二脊  
作二十三年京都人家豕產子一頭二身八足並與建

武同妖也是後宰相沈酗不恤朝政近習用事漸亂國網至於大壞也

黑眚黑祥

孝懷帝永嘉五年十二月黑氣四塞近黑祥也帝尋淪陷王室丘墟是其應也

愍帝建興二年正月己巳朔黑霧著人如墨連夜五日乃止此近黑祥也其四年帝降劉曜

元帝永昌元年十月京師大霧黑氣蔽天日月無光十一月帝崩

火沴水

武帝太康五年六月任城魯國池水皆赤如血案劉向說近火沴水聽之不聰之罰也京房易傳曰君淫於色賢人潛國家危厥異水流赤

漢志淫於色上有灑于酒三字京房易妖占曰河水

赤下民恨

穆帝升平三年二月涼州城東池中有火 四年四月姑臧澤水中又有火此火沴水之妖也明年張天錫殺中護軍張邕邕執政之人也

安帝元興二年十月錢唐臨平湖水赤桓立諷吳郡使言開除以爲己瑞俄而桓立敗

水經漸江水注錢唐記曰桓元之難湖水色赤

熒熒如丹

傳曰思心之不容

漢志容作容下文容寬也同

是謂不聖厥咎霧

漢志

同隋志

厥罰恆風厥極凶短折時則有脂夜之妖

漢書補注

作晉

沈欽韓曰大傳注夜讀曰液謂以脂液汗人也志於後

一曰夜妖者方讀作夜案脂液之妖如孔甲龍漦之類

晉志以晝眠隋志以鬼哭當之何也

時則有華孽時則有牛翹時則有心

腹之痾時則有黃眚黃祥時則有金木水火疹土思心

不容

漢志作思心之不容

是謂不聖思心者心思慮也容寬也孔

子曰居上不寬吾何以觀之哉言上不寬大包容臣下

則不能居聖位貌言視聽以心為主四者皆失則區霧

無識故其咎霧也雨旱寒燠亦以風爲本四氣皆亂故

其罰恆風也恆風傷物故其極凶短折也傷人曰凶禽

獸曰短草木曰折

漢志草  
作少

一曰凶天也兄喪弟曰短父喪

子曰折在人腹中肥而包裹心者脂也心區霧則冥晦

故有脂夜之妖一曰有脂物而夜爲妖若脂夜汗人衣

漢志脂下  
有水字

淫之象也一曰夜妖者雲風並起而杳冥故

與常風同象也溫而風則生螟螣有裸蟲之孽劉向以

爲於易巽爲風爲木卦在三月四月繼陽而治主木之

華實風氣盛至秋冬木復華故有華孽一曰地氣盛則

秋冬復華一曰華者色也土爲內事謂女孽也

漢志謂  
作爲漢

書補注葉德輝曰隋志引五行傳云華者猶榮華容色  
之象也以色亂國故謂華孽王先謙曰晉志女上爲作

謂是於易坤爲土爲牛牛大心而不能思慮心氣毀故有

牛鬼

漢志心上  
有思字

一日牛多死及爲怪亦是也

漢書補注  
曰沈欽韓

曰新唐志京房易傳曰牛少者穀不成又傳  
曰金革動魏書靈徵志轉輸煩則牛生禍

及人則多

病心腹者故有心腹之病土色黃故有黃眚黃祥凡思  
心傷者病土氣土氣病則金木水火沴之故日時則有  
金木水火沴土不言惟而獨日時則有者非一衝氣所  
沴明其異大也其極凶短折者順之其福曰考終命劉  
歆思心傳日時有羸蟲孽謂螟螣之屬也

庶徵恆風

魏齊王正始九年十一月大風數十日發屋折樹十二  
月戊午晦尤甚動太極東閣

魏志三少帝紀作十月御  
覽二十九魏略曰正始元



年五 九南風大起數十日發屋折樹動太極殿  
東閣正旦大會又甚傾杯案曹休將誅之徵也

嘉平元年正月壬辰朔西北大風發屋折樹木昏塵蔽  
天案管輅說此爲時刑大臣執政之憂也是時曹爽區  
霧自專驕僭過度天戒數見終不改革此思心不睿恆  
風之罰也後踰旬而爽等誅滅京房易傳曰眾逆同志  
至德乃潛厥異風其風也行不解物不長雨小而傷政  
悖德隱茲謂亂厥風先風不雨大風暴起發屋折木守  
義不進茲謂眊漢志作耄漢書補注厥風與雲俱起折  
五穀莖臣易上政茲謂不順厥風大猷發屋漢志猷賦  
斂不理茲謂禍厥風絕經紀止卽溫溫卽蟲侯專封茲

謂不統厥風疾而樹不搖穀不成辟不思道利茲謂無

澤

局家祿校勘記曰利衍文涉下公常於利而誤

厥風不搖木旱無雲傷禾公

常於利茲謂亂厥風微而溫生蟲蝗害五穀棄政作淫

漢志政作

茲謂惑厥風溫螟蟲起害有益人之物諸侯

不朝

漢志無諸字宋志同

茲謂畔厥風無恆地變赤雨殺人

漢志雨作

而宋志作雨

吳孫權太元元年八月朔大風江海涌溢平地水深八

尺拔高陵樹二千株石碑蹉動吳城兩門飛落

宋志作二株吳

志吳主傳作郡城南門飛落

案華覈對役繁賦重區霽不容之罰也

明年權薨

孫亮建興元年十二月景申大風震電是歲魏遣大眾  
三道來攻諸葛恪破其東與軍二軍亦退明年恪又攻  
新城喪眾大半還伏誅

孫休永安元年十一月甲午風四轉五復蒙霧連日是

時孫綝一門五侯權傾吳主風霧之災與漢五侯丁傅

同應也

漢志曰建始元年四月壬寅晨大風從西北起雲氣赤黃四塞天下終日夜是歲帝元舅大司

馬大將軍王鳳始用事又封鳳母弟崇爲安成侯庶弟  
譚等五人賜爵關內侯復益封鳳五千戶悉封譚等爲  
列侯哀帝卽位封外屬丁氏傅氏周氏鄭氏凡六人爲  
列侯漢書補注周壽昌曰當時外戚並無周氏或因丁  
明子滿封平周侯而誤衍周氏  
晉志引此無周氏並無鄭氏

十二月丁卯夜有大風

發木揚沙明日綝誅

武帝泰始五年五月辛卯朔廣平大風折木

咸寧元年五月下邳廣陵大風壞千餘家折樹木其月

甲申廣陵司吾下邳大風折木

讀史舉正曰案此條文義複雜必有誤

年八月河閒大風折木

太康二年五月濟南暴風折木傷麥六月高平大風折

木發壞邸閣四十餘區七月上黨又大風傷秋稼 八

年六月郡國八大風

書鈔一百五十一引稽含諾風伯云太康六年狂風暴怒騰逸相觸

百川倒流大山乃迤剝案六年當是八年之譌本紀事亦在八年也九年正月京都風雹

發屋拔樹後二年宮車晏駕

惠帝元康四年六月大風雨拔木 五年四月庚寅夜

暴風城東渠波浪殺人七月下邳大風壞廬舍九月厲

門新興太原上黨災風傷稼明年氏羌反叛大兵西討

九年六月

晉書校文二日元康止八年九字誤案太平廣記三百九十六引廣古今五行記正

作入年 颯風吹賈謐朝服飛數百丈明年謐誅十一月甲

子朔京都連大風發屋折木十二月愍懷太子廢幽于

許昌

永康元年二月大風拔木

太平廣記三百九十六引廣古今五行記作永康元年大

風飛石

沙折木 三月愍懷被害己卯喪柩發許昌還洛是日又

大風雷電幃蓋飛裂四月張華第舍颯風起折木飛糝

折軸六七是月華遇害十一月戊午朔大風從西北來

折木飛沙石六日止明年正月趙王倫篡位

永寧元年八月郡國三大風

永興元年正月乙丑西北大風趙王倫建始元年正月  
癸酉趙王倫祠太廟災風暴起塵四合其年四月倫伏  
辜

元帝永昌元年七月景寅大風拔木

御覽九引作永和元年大風拔樹案

永和當爲永昌之誤

屋瓦皆飛八月暴風壞屋拔御道柳樹百餘

株

御覽九引作百餘枚

其風縱橫無常若風自八方來者是時王

敦專權害尙書令刁協僕射周顛等故風縱橫若非一

處也

御覽九引作故風縱橫拔樹非一處也

此臣易上政諸侯不朝之罰

也十一月宮車晏駕

成帝咸康四年三月壬辰成都大風發屋折木四月李

壽襲殺李期自立

晉書校文二曰據此亦可證後蜀載  
記言期自縊死於咸康三年之誤辨

詳下李  
期傳

康帝建元元年七月庚寅晉陵吳郡災風

穆帝升平元年八月丁未策立皇后何氏是日疾風後

桓立篡位乃降后爲零陵縣君不睿之罰也 五年正

月戊午朔

宋志戊午  
作戊戌

疾風

海西公太和六年二月大風迅急是年被廢

孝武帝寧康元年三月京都大風火大起是時桓溫入

朝志在陵上帝又幼少人懷憂恐斯不睿之徵也

三年三月戊申朔暴風迅起從丑上來須臾逆轉從子上來飛沙揚礫

太元二年二月乙丑朔暴風折木閏三月甲子朔暴風疾雨俱至發屋折木 三年六月長安大風拔苻堅宮

中樹

御覽八百七十六國春秋曰苻堅建元十八年三月大風吹壞長安西門拔宮中大樹倒根於

上案建元十八年爲太元七年非三年也與其後堅再

本志互異疑卽一事宋志又作太元二年南伐遂有淝水之敗身戮國亡 四年八月乙未暴風

揚沙石 十二年正月壬午夜暴風七月甲辰大風折

木 孝武帝紀壬午作壬子宋志作正月甲辰書鈔一百五十八涼州記曰呂光太安二年春正月大風拔木



從申至辰遣中郎房晷至晉昌祀風穴  
案呂光太安二年當孝武太元十二年十三年十二月

己未

孝武帝紀作乙未

大風晝晦其後帝崩而諸侯違命權奪

於元顯禍成於桓玄是其應也

案此條複出於夜妖類當刪彼存此

十

七年六月乙未

孝武帝紀作乙卯

大風折木

安帝元興二年二月夜大風雨大航門屋瓦飛落明年

桓玄篡位由此門入 三年正月桓玄出遊大航南飄

風飛其輶輓蓋

御覽八百七十六晉中興書曰桓元入建康宮逆風迅激旗幟飄亡儀飾一皆

傾偃是月酷寒

此日尤甚急恆寒若

經三月而玄敗歸

之應也出游門外飄風飛其儀蓋

晉書校文二日五月宋志作三月以帝紀攷之誤在

江陵五月江陵又大風折木

宋志

宋是月桓玄敗於崢嶸洲身亦屠裂十二月丁酉

宋志作十

月一犬風江陵多死者

義熙四年十一月辛卯朔西北疾風起 五年閏十一

月丁亥

宋志作閏十月案本紀六年二月有丁亥則遞推五年閏十月當有丁亥不當在閏十一月

大風發屋明年盧循至蔡州 六年五月壬申大風拔

北郊樹樹幾百年也并吹琅邪揚州二射堂倒壞是日

盧循大艦漂沒甲戌又風發屋折木是冬王師南討七十

史商權四十七日王師宋志作三帥安帝紀秋七月輔

國將軍王仲德廣川太守劉鍾河間內史蒯恩追盧循

卽三九年正月大風白馬寺浮圖剝柱折壞 十年四

月己丑朔

元無朔字

大風拔木六月辛亥大風拔木七月淮

北大風壞廬舍明年西討司馬休之應

周家祿校勘記曰宜重之字

夜妖

魏高貴鄉公正元二年正月戊戌景帝討母巨儉大風  
晦暝行者皆頓伏近夜妖也劉向日正晝而暝陰爲陽  
臣制君也

元帝景元二年十月京都大震晝晦此夜妖也班固曰  
夜妖者雲風並起而杳冥故與常風同象也劉向春秋  
說云天戒若曰勿使大夫世官將令專事暝晦公室卑  
矣魏見此妖晉有天下之應也

懷帝永嘉四年十一月辛卯

懷帝紀  
作十月

晝昏至于庚子此

夜妖也後年劉曜寇洛川王師頻爲賊所敗帝蒙塵于

平陽

孝武帝太元十三年十二月乙未大風晦暝其後帝崩而諸侯違命干戈內侮權奪於元顯禍成於桓玄  
羸蟲之孽

京房易傳曰臣安祿位茲謂貪厥災蟲食根德無常茲謂煩蟲食葉不繼無德蟲食本與東作爭茲謂不時蟲食莖蔽惡生孽蟲食心

武帝咸寧元年七月郡國螟九月青州又螟是月郡國有青蟲食其禾稼

案宋志郡國有青蟲在七月本志于七月郡國螟之下加入九月青州又

螟一語則是月乃屬之九月矣

四年司冀兗豫荆揚郡國二十螟

太康四年會稽彭蠡及蟹皆化爲鼠甚眾復大食稻爲

災御覽九百四十二引搜神記作甚眾覆野爲災九年

八月武帝紀郡國二十四螟九月蟲又傷秋稼是時帝

聽讒諛寵任賈充楊駿故有蟲蝗之災不紉無德之罰

惠帝元康三年九月帶方等六縣螟食禾葉盡宋志作

月帶方含資提突南新長岑

永寧元年七月梁益涼三州螟是時齊王固執政貪苛

之應也

永寧元年周家祿校勘記十月南安巴西江陽太原新

興北海青蟲食禾葉甚者十傷五六十二月郡國六螟

牛羗

武帝太康九年

御覽入百九十八引晉朝雜事作太康九年三月

幽州塞北有

死牛頭語近牛羗也是時帝多疾病深以後事爲念而託付不以至公思瞽亂之應也案師曠曰怨讎動於人則有非言之物而言又其義也京房易傳曰殺無罪牛生妖

惠帝太安中江夏張騁所乘牛言曰天下亂乘我何之

太平廣記一百三十九引廣古今騁懼而還犬又言曰五行記作張聘宋志亂上有方字

歸何早也尋後牛又人立而行騁使善卜者卦之謂曰天下將有兵亂爲禍非止一家

太平廣記一百三十九引廣古今五行記作尋

牛人立而行復曰天下將亂非止一家案其年張昌反

此作牛復日與本志作卜者之言互異

先略江夏騁爲將帥於是五州殘亂騁亦族滅京房易

傳曰牛能言

宋志易傳作易妖

如其言占吉凶易萌氣樞曰人

君不好士走馬被文繡犬狼食人食則有六畜談言

宋志

談言作妖言時天子諸侯不以惠下爲務又其應也

元帝建武元年七月晉陵陳門才牛生犢一體兩頭

宋志

晉陵陳門才案京房易傳言牛生子二首一身天下將

作曲阿門

分之象也是時愍帝蒙塵於平陽尋爲逆胡所殺元帝

卽位江東天下分爲二是其應也

太興元年武昌太守王諒牛生子兩頭八足兩尾共一

腹三年後死又有牛一足三尾皆生而死案司馬彪說  
兩頭者政在私門上下無別之象也京房易傳曰足多  
者所任邪也足少者不勝任也其後王敦等亂政此其  
祥也 四年十二月郊牛死案劉向說春秋郊牛死曰  
宣公區霽昏亂故天不饗其祀今元帝中興之業實王  
導之謀也劉隗探會上意以得親幸導見疎外此區霽  
不睿之禍

成帝咸和二年五月護軍牛生犢兩頭六足是冬蘇峻  
作亂 七年九德人袁榮家牛產犢兩頭八足二尾共  
身



桓立之國在荊州詣刺史殷仲堪行至鶴穴逢一老公

驅青牛形色瓌異桓立即以所乘牛易取

太平廣記三百六十引幽

冥錄作仲堪即以所乘牛易而取之

乘至零陵涇溪駿駛非常息駕飲牛

牛逕入江水不出

太平廣記三百六十引幽冥錄作牛忽駿駛非常因息駕願之牛乃徑走

入江伺之

終日不出立遣人覘守經日無所見於後立敗被誅

黃皆黃祥

蜀劉備章武二年東伐二月自秭歸進屯夷道六月秭

歸有黃氣見長十餘里廣數十丈後踰旬備爲陸議所

破

宋志陸議作陸遜

近黃祥也

魏齊王正始中中山王周南爲襄邑長有鼠從穴出語

曰王周南爾以某日死周南不應鼠還穴後至期更冠  
幘阜衣出語曰周南汝日中當死又不應鼠復入穴斯  
須更出語如向日適欲中

宋志中字  
上有日字

鼠入須臾復出出

復入轉更數語如前日適中鼠曰周南汝不應我復何  
道言絕顛蹶而死卽失衣冠取視俱

元作具

如常鼠案班

固說此黃祥也是時曹爽專政競爲比周故鼠作變也  
惠帝元康四年十二月大霧

晉書校文二二日霧不  
言黃色不應入此類帝時

昏眊政非已出故有區霑之妖

元帝太興四年八月黃霧四塞埃氛蔽天

永昌元年十月京師大霧黑氣貫天日無光

晉書校文  
二日此條

已列黑眚黑祥類複見於此不倫當刪去之攷宋志載元帝永昌二年正月癸巳黃霧四塞此反脫載殊不可解

明帝太寧元年正月癸巳黃霧四塞二月又黃霧四塞是時王敦擅權謀逆愈甚

御覽十五王隱晉書曰王敦之應也

穆帝永和七年三月涼州大風拔木黃霧下塵是時張重華納譖出謝艾爲酒泉太守而所任非其人至九年死嗣子見殺是其應也京房易傳曰聞善不子茲謂不知厥異黃厥咎孽厥災不嗣黃者有黃濁氣四塞天下蔽賢絕道故災至絕世也

孝武泰元八年

周家祿校勘記曰泰太雖同一字然年號宜從一例如泰始太康之各不相混

是也。二月癸未黃霧四塞。是時道子專政親近佞人朝綱方替。

安帝元興元年十月景申朔黃霧昏濁不雨。是時桓玄謀逆之應。

義熙五年十一月大霧。十年十一月又大霧。是時帝室衰微臣下權盛兵及土地略非君有此其應也。

地震

劉向日地震金木水火沴土者也。伯陽甫曰天地之氣

不過其序。

漢志同漢書補注蘇輿日過史記國語並作失

若過其序人之亂也。

漢志作民亂之也

陽伏而不能出陰迫而不能升。

漢志同漢書補注朱一新

日升國語作  
丞升丞同訓 於是  
有地震

吳孫權黃武四年江東地連震是時權受魏爵命爲大將軍吳王改元專制不修臣跡京房易傳曰臣事雖正專必震其震於水則波於木則搖於屋則瓦落大經在辟而易臣茲謂陰動厥震搖政宮大經搖政茲謂不陰厥震搖山出涌水嗣子無德專祿漢志重一山字讀書雜志曰御覽咎徵部七引此專祿上有臣字是也此言嗣子無德而臣專祿則地震故上文云臣事雖正專必震也臣專祿故曰茲謂不順若無臣字則義不可通茲謂不順厥震動丘陵涌水出劉向並云臣下強盛將動而爲害之應也案宋志劉向上有董仲舒三字本志誤脫魏明帝青龍二年十一月京都地震從東來隱隱有聲

搖屋瓦

京房易飛候曰地動冬有音

景初元年六月戊申京都地震是秋吳將朱然圍江夏  
荊州刺史胡質擊退之又公孫文懿叛自立爲燕王改  
年置百官明年討平之

吳孫權嘉禾六年五月江東地震

赤烏二年正月地再震是時呂壹專事步騭上疏曰伏

聞校事吹毛求瑕趣欲陷人

宋志趣作輒

成其威福無罪無

辜橫受重刑雖有大臣不見信任如此天地焉得無變  
故地連震動臣下專政之應也冀所以警悟人主可不  
深思其意哉壹後卒敗

魏齊王正始二年十一月

魏志作十二月

南安郡地震

三年

七月甲申南安郡地震十二月魏郡地震

六年二月

丁卯南安郡地震是時曹爽專政遷太后于永安宮太后與帝相泣而別連年地震是其應也

吳孫權赤烏十一年二月江東地仍震是時權聽護尋黜朱據廢太子

蜀劉禪炎興元年蜀地震是時宦人黃皓專權案司馬彪說閹官無陽施猶婦人也皓見任之應與漢和帝時同事也是冬蜀亡

武帝泰始五年四月辛酉地震是年冬新平氏羌叛明

年孫皓遣大眾入渦口 七年六月景申地震

咸寧二年八月庚辰河南河東平陽地震

讀史舉正曰  
案本紀無河

南爲

是 四年六月丁未陰平廣武地震甲子又震

太康二年二月庚申淮南丹楊地震 五年正月朔壬

辰

武帝紀作二月壬辰周家祿校  
勘記曰正月朔壬辰文理不明

京師地震 六年七

月己丑地震

晉書校文二曰震  
者爲巴西見帝紀

七年七月南安犍爲地

震八月京兆地震 八年五月壬子建安地震七月陰

平地震八月丹楊地震 九年正月會稽丹楊吳興地

震四月辛酉長沙南海等郡國八地震七月至于八月

地又四震其三有聲如雷九月臨賀地震十二月又震



十年十二月己亥丹楊地震

太熙元年正月地又震武帝世始於賈充終於楊駿阿  
黨昧利苟竊朝權至於末年所任轉弊故頻年地震過  
其序也終喪天下

惠帝元康元年十二月辛酉京都地震此夏賈后使楚  
王瑋殺汝南王亮及太保衛瓘此陰道盛陽道微故也

四年二月上谷上庸遼東地震

讀史舉正曰四年六月壽春地大震死者

二十餘家上庸郡山崩殺二十餘人志闕案宋志上庸地震在五月

五月蜀郡山移淮南

壽春洪水出山崩地陷壞城府

案宋志作二月蜀郡山崩五月壬子壽春山崩

洪水出城壞地

陸方三十丈 八月上谷地震水出殺百餘人十月京

都地震十一月滎陽襄城汝陰梁國南陽地皆震十二月京都又震是時賈后亂朝終至禍敗之應也漢鄧太后攝政時郡國地震李固以爲地陰也法當安靜今乃越陰之職專陽之政故應以震此同事也京房易傳曰小人剝廬厥妖山崩茲謂陰乘陽弱勝彊又曰陰背陽則地裂父子分離夷羌叛去 五年五月丁丑地震六月金城地震 六年正月丁丑地震 八年正月景辰地震

太安元年十二月惠帝紀及宋志皆作十月地震時齊王冏專政之應 一二年十二月景辰地震是時長沙王乂專政之應

也

孝懷帝永嘉三年十月荆襄二州地震

案當從懷帝時紀作荆湘

司馬越專政

四年四月兗州地震五月石勒寇汲郡

執太守胡寵遂南濟河

案懷帝紀石勒載記均作南濟河由汲郡而南不應濟河此作

河誤是其應也

愍帝建興二年四月甲辰地震

三年六月丁卯長安

又地震是時主幼權傾於下四方雲擾兵亂不息之應

也

元帝太興元年四月西平地震湧水出十二月廬陵豫

章武昌西陵地震湧水出山崩干寶以爲王敦陵上之

應也 二年五月己丑祁山地震山崩殺人御覽八百

六國春秋曰前涼張寔五年祁山地震從中陶原坂二

里冒覆下川忽如見掩坂上草木存焉案大興二年張

寔仍稱建興七年惟寔于建興是時相國南陽王保在

三年嗣位是年乃寔之五年也

祁山稱晉王不終之象也 三年四月庚寅元帝紀作

舉正日以是年正月丁酉朔及丹楊吳郡晉陵又地震

閏三月推之庚寅當在五月成帝咸和二年二月江陵地震三月益州地震四月己

未豫州地震案當從成帝紀作豫章是年蘇峻作亂 九年三月

丁酉會稽地震

穆帝永和元年六月癸亥地震是時嗣主幼沖母后稱

制政在臣下所以連年地震 二年十二月穆帝紀及宋志作十

月地震

三年正月景辰

穆帝紀有四月地震

地震九月地又震

四年十月己未地震

五年正月庚寅地震是時石

季龍僭卽皇帝位亦過其序也

九年八月丁酉

穆帝紀作

七月京都地震有聲如雷

十年正月丁卯

宋志丁卯地作丁酉

地震聲如雷雞雉皆鳴响

十一年四月乙酉地震五月

丁未地震

升平二年十一月辛酉地震

五年八月涼州地震

哀帝隆和元年四月甲戌地震

哀帝紀作四月丁丑梁州地震

是時政

在將相人主南面而已

興寧元年四月甲戌揚州地震湖濱溢

二年三月庚

寅江陵地震是時桓溫專政

哀帝紀宋志均作二月宋志專政作專征案宋志此

條作隆和二年與本志屬於興寧元年下者異

海西公太和元年二月涼州地震水涌是海西將廢之應也

簡文帝咸安二年十月辛未安成地震是年帝崩

晉書校文

二日下文孝武帝寧康元年十月辛未地震此疑一事而歧爲二故月日俱同志於兩帝崩立之際所記事實多複出此其一也

宋志與此同其

孝武帝寧康元年十月辛未地震 二年二月丁巳地

震七月甲午涼州地又震山崩是時嗣主幼沖權在將相陰盛之應也

太元二年閏三月壬午地震五月丁丑地震 十一年

六月己卯地震是後緣河諸將連歲兵役人勞之應也

十五年三月己酉朔夜地震八月京都地震十二月

己未地震

十七年六月癸卯地震

孝武紀作六月  
癸卯京師地震十

二月己未地又震是時羣小弄權天下側目 十八年

正月癸亥朔

孝武帝紀  
作癸卯

地震二月乙未夜地震

安帝隆安四年四月乙未地震九月癸丑

宋志作  
癸酉

地震

是時幼主冲昧政在臣下

義熙四年正月壬子夜地震有聲十月癸亥地震 五

年正月戊戌夜尋陽地震有聲如雷明年盧循下 八

年自正月至四月南康廬陵地四震明年王旅西討荆  
益 十年三月戊寅地震

山崩地陷裂

周家祿校勘記曰  
疑當與地震爲類

吳孫權赤烏十三年八月丹楊句容及故鄣宜國諸山  
崩鴻水溢案劉向說山陽君也水陰百姓也天戒若曰  
君道崩壞

漢志崩壞下有下亂二字

百姓將失其所與春秋梁山崩

漢齊楚眾山發水同事也夫三代命祀祭不越望吉凶  
禍福不是過也吳雖稱帝其實列國災發丹楊其天意  
矣劉歆以爲國主山川山崩川竭亡之徵也後二年而  
權薨又一十六年而吳亡



魏元帝咸熙二年二月太行山崩此魏亡之徵也其冬  
晉有天下

武帝泰始三年三月戊午大石山崩

武帝紀作太山石崩宋志作戊子太

行山

四年七月泰山崩墜三里京房易傳曰自上下者

爲崩厥應泰山之石顛而下聖王受命人君虜及帝晏  
駕而祿去王室惠皇愼弱懷愍二帝俱辱虜庭淪胥於  
北元帝中興於南此其應也

太康五年景午

晉書校文二日據帝紀五年下脫五月二字

宣帝廟地陷

六年十月

宋志作三月

南安新興山崩涌水出

七年二月

宋志作

七月朱提之大瀘山崩震壞郡舍陰平之仇池崖隕

八年七月大雨殿前地陷方五尺深數丈中有破船

惠帝元康四年蜀郡山崩殺人

惠帝紀在是年五月崩作移

五月壬

子壽春山崩洪水出城壞地陷方三十丈殺人六月壽春大雷山崩地坼人家陷死上庸亦如之八月居庸地裂廣三十六丈長八十四丈水出大饑上庸四處山崩地墜廣二十丈長百三十丈水出殺人皆賈后亂朝之應也

太安元年四月西塘崩

懷帝永嘉元年三月

懷帝紀作元年五月本志中作元年二月宋志亦作二月

洛陽

東北步廣里地陷

二年八月乙亥郵城城無故自壞

七十餘丈司馬越惡之遷于濮陽此見診之異也越卒以陵上受禍 三年七月戊辰當陽地裂三所廣三丈長三百餘步宋志作二百餘步京房易傳曰地坼裂者臣下分離不肯相從也其後司馬越苟晞交惡四方牧伯莫不離散王室遂亡 三年十月宜都夷道山崩 四年四月湘東鄱黑石山崩

元帝太興元年二月廬陵豫章武昌西陽地震山崩 二年五月祁山地震山崩殺人 三年南平郡山崩出雄黃數千斤時王敦陵傲帝優容之示含養禍萌也 四年八月常山崩水出淳沲盈溢大木傾拔

成帝咸和四年十月柴桑廬山西北崖崩十二月劉盾

爲郭默所殺

類聚六晉中興書徵拜傳說融調字據據日咸和四年廬山西大巖崩俄而郭默

害江州刺史伏誅案此條當有脫誤又案御覽七百五

十六引晉中興書曰成帝咸和元年宣城春穀山崩得

古鼎重三百斤容可三斛餘羣臣

畢賀本志失載此事附注于下

穆帝永和七年九月峻平崇陽二陵崩

晉書校文二曰及穆帝紀永和

七年九月峻陽太陽二陵崩入年二月峻平崇陽二陵

崩今以七年九月崩者指爲峻平崇陽而脫去本年所

崩一事疏

十二年十一月遣散騎常侍車灌修峻平陵

并殊甚

開埏道崩歷殺數十人

升平五年二月南掖門馬足陷地得鍾一有文四字

哀帝隆和元年四月丁丑浩疊山崩張天錫亡徽也

安帝義熙八年三月壬寅山陰地陷方四丈有聲如雷

安帝紀作甲寅地陷四尺  
宋志作地陷深廣各四尺

十年五月戊寅西明門地穿

涌水出毀門扇及限

宋志扇作房

此水沴土也 十一年五

月霍山崩出銅鍾六枚

安帝紀作五月己酉御覽五百七十五晉中興書曰義熙十一

年霍山崩毀出銅鍾六枚上有古文斜斗書人莫能識

十三年七月漢中成固

縣水涯有聲若雷既而岸崩出銅鍾十有二枚

書鈔一百八

熙起居注曰十三年漢中成固縣聞水涯際有異聲若雷既兩岸崩有鍾十三枚出制作精巧和之清韻

惠帝元康九年六月夜暴雨賡齋屋柱陷入地壓

謚牀帳此木沴土土失其性不能載也明年謚誅焉

光熙元年五月范陽國地燃可以爨此火沴土也是時

禮樂征伐自諸侯出

傳曰皇之不極是謂不建厥咎眊

漢書補注曰續志注云大傳作督鄭注督

與思心之咎同耳故傳曰眊眊亂也君臣不立則上下亂矣

厥罰恆陰厥極弱時則

有射妖時則有龍蛇之孽時則有馬虺時則有下人伐

上之病

漢書補注曰續志注引鄭注夏侯勝說伐宜爲代書亦或作代陰陽之神曰精氣情性之神曰

魂魄君行不由常仰張無度則是魂魄傷也王極氣先之病也天於不中之人恆者其毒增以爲病將以閉賢代之也案勝傳作伐上鄭說未詳所出續志亦作伐時則有日月亂行星辰逆行

皇之不極是謂不建皇君極中建立也

案當從漢志君下有也字人

君貌言視聽思心

一無心字

五事皆失不得其中不能立萬

事失在眊悖故其咎眊也王者自下承天理物雲起於

山而彌於天天氣亂故其罰恆陰一曰上失中則下彊  
盛而蔽君明也易曰亢龍有悔貴而亡位高而亡民賢  
人在下位而亡輔如此則君有南面之尊而亡一人之  
助故其極弱也盛陽動進輕疾禮春而大射以順陽氣  
上微弱則下奮驚動

漢志無驚字

故有射妖易曰雲從龍又

曰龍蛇之蟄以存身也陰陽氣動故有龍蛇之孽

漢志無陽

字於易乾爲君爲馬任用而強力君氣毀故有馬羸一

曰馬多死及爲怪亦是也

漢書補注沈欽韓曰隋志引洪範五行傳曰逆天氣故馬

多死又曰馬者兵象將有寇戎之事故馬爲怪

君亂且弱人之所叛天之所去

不有明王之誅則有篡殺之禍故有下人伐上之病凡

君道傷者病天氣不言五行沴天而日月亂行星辰逆

行者

周家祿校勘記曰而下脫言字

爲若下不敢沴天猶春秋曰王師

敗績子賀戎不言敗之者以自敗爲文尊尊之意也劉

歆皇極傳曰有下體生於上之病

漢志無於字

說以爲下人

伐上天誅已成不得復爲病云

恆陰

吳孫亮太平三年自八月沈陰不雨四十餘日是時將  
誅孫繼謀泄九月戊午繼以兵圍宮廢亮爲會稽王此  
恆陰之罰也

吳孫皓寶鼎元年十二月太史奏久陰不雨將有陰謀



孫皓驚懼時陸凱等謀因其謁廟廢之及出留平領兵前驅凱先語平平不許是以不果皓既肆虐羣下多懷異圖終至降亡

### 射妖

蜀車騎將軍鄧芝征涪陵見玄猿緣山手射中之猿拔

其箭卷木葉塞其創芝曰嘻吾違物之性其將死矣俄

而卒此射妖也

華陽國志一日延熙十三年大姓徐巨反車騎將軍鄧芝討平之見元猿緣其

山芝性好弩手自射猿中之猿子拔其箭卷木葉塞其

創歎曰嘻吾傷物之性其將死矣乃移其豪徐蘭謝范

五千家於蜀爲獵射官晉書校文二日蜀志芝傳征涪

陵在延熙十一年卒在延熙十四年相距甚遠安得曰

俄而

卒乎 一日猿母抱子芝射中之子爲拔箭取木葉塞創

愍帝建興二年十一月抱罕羌妓產一龍子

周家祿校勘記日抱

誤抱色似錦文常就母乳遙見神光少得就視此亦皇之  
不建於是帝竟淪沒

呂纂末龍出東廂井中到其殿前蟠卧比旦失之俄又有黑龍升其宮門纂咸以爲美瑞或曰龍者陰類出入有時今而屢見必有下人謀上之變後纂果爲呂超所殺

武帝咸寧中司徒府有两大蛇長十許丈居聽事平椽上而人不知但數年怪府中數失小兒及豬犬之屬

太平

廣記四百五十六引搜神記

平椽作平脊豬犬作雞犬後有一蛇夜出被刃傷不

能去乃覺之發徒攻擊移時乃死

太平廣記四百五十六引搜神記作發徒

數百共攻擊移時然得殺之視所居骨骸盈宇之間於是毀府舍更立之

夫司徒五教之府

此皇極不建故蛇孽見之漢靈帝時蛇見御座楊賜云爲帝溺於色之應也魏代宮人猥多晉又過之燕遊是洎此其孽也詩云惟虺惟蛇女子之祥也

惠帝元康五年三月癸巳臨淄有大蛇長十餘丈負二

小蛇入城北門逕從市入漢城陽景王祠中不見

後漢書劉

盆子傳曰軍中常有齊巫鼓舞祠城陽景王以求福助巫狂言景王大怒曰當爲縣官何故爲賊有笑巫者輒病軍中驚動琅邪王京傳曰國中有城陽景王祠吏人奉祀神數下言官中多不便利魏志武帝紀注魏書曰初城陽景王劉章以有功于漢故其國爲立祠青州諸郡轉相倣劾濟南尤甚至六百餘祠賈人或假二千石

輿服導從作倡樂奢侈日甚民坐困窮感世長吏無敢  
禁絕者太祖到皆毀壞祠屋止絕官吏民不得祠祀應  
劭風俗通日自琅邪青州六郡及渤海都邑鄉亭聚落  
皆爲立祠造飾五工千石車商人次第爲之立服帶綬  
備置官屬烹殺誣歌紛籍連日轉相誑耀言有神明其  
譴問禍福立應歷載彌之莫之匡糾惟樂安太傅陳蕃  
濟南相曹操一切禁絕肅然政清陳曹之後稍復如故  
案魚豢言魏武毀壞祠屋然晉初尚有景王祠蓋毀之  
未盡也慕容德載記亦云德如齊城登營邱天戒若曰  
至漢城陽景王廟是青州祠祀存者猶多耳

昔漢景王有定傾之功而不厲節忠慎以至失職奪功  
之辱今齊王罔不寤雖建興復之功而驕陵取禍此其  
徵也

明帝太室初武昌有大蛇常居故神祠空樹中每出頭  
從人受食京房易妖日蛇見於邑不出三年有大兵國

有大憂尋有王敦之逆

馬鬣

武帝太熙元年遼東有馬生角在兩耳下長三寸案劉向說曰此兵象也及帝晏駕之後王室毒於兵禍是其應也京房易傳曰臣易上政不順厥妖馬生角茲謂賢士不足又曰天子親伐馬生角呂氏春秋曰人君失道馬有生角及惠帝踐阼昏愚失道又親征伐成都是其應也

惠帝元康八年十二月皇太子將釋奠太傅趙王倫驂乘至南城門馬止力士推之不能動倫入輅車乃進此

馬羆也天戒若日倫不知義方終爲亂逆非傳導行禮  
之人也 九年十一月戊寅忽有牡騶馬

宋志牡作牝 驚奔

至廷尉訊堂悲鳴而死天戒若日愍懷冤死之象也見  
廷尉訊堂其天意乎

懷帝永嘉六年二月神馬鳴南城門

愍帝建興二年九月蒲子縣馬生人京房易傳曰上亡

天子

漢志無上字漢書補注錢大昕曰搜神記作上無

是也上無天子語出公羊沈欽韓諸侯相伐厥妖馬生

日續漢志及晉志引京房有上字人是時帝室衰微不絕如線胡狄交侵兵戈日逼尋而

帝亦淪陷故此妖見也

元帝太興二年丹楊郡吏濮陽演

宋志作濮陽楊演

馬生駒兩

頭自項前別生而死司馬彪說曰此政在私門二頭之象也其後王敦陵上

成帝咸康八年五月甲戌有馬色赤如血自宣陽門直

走入于殿前盤旋走出尋逐莫知所在己卯帝不豫六

月崩

成帝紀作六月庚申帝不念癸巳崩

此馬颯又赤祥也是年張重華

在涼州將誅其西河相張祥廢馬數十匹

宋志祥作祥廢上亦有一

祥同時悉無後尾也

安帝隆安四年十月梁州有馬生角刺史郭銓送示桓

玄案劉向說曰馬不當生角猶立不當舉兵向上也玄

不寤以至夷滅

石季龍在鄴有一馬尾有燒狀入其中陽門出顯陽門東宮皆不得入走向東北俄爾不見術者佛圖澄歎曰災其及矣逾年季龍死其國遂滅

人痴

魏文帝黃初初清河宋士宗母化爲鼈入水

明帝太和三年曹休部曲丘奚農女死復生

御覽八百八十七博

物志曰魏大司馬曹休所說中郎將謝璋部曲義兵奚儂息女年四歲病死故埋藏五日復生太和三年七月詔令休使父母持送女來視之其年四月三日病死四日埋藏至八月同墟人採桑聞兒啼聲卽語儂妻往復視兒生活今能飲食如常案時又有開周世豕得殉葬志文部曲丘丘爲兵字之譌



女子數日而有氣數月而能言郭太后愛養之又太原人發冢破棺棺中有一生婦人問其本事不知也視其墓木可三十歲案京房易傳曰至陰爲陽下人爲上宣帝起之象也漢平帝獻帝並有此異占以爲王莽曹操之徵

孫休永安四年安吳民陳焦死七日復生穿冢出

吳志三嗣

主傳作埋之六日更生穿土中出

干寶曰此與漢宣帝同事烏程侯皓

承廢故之家得位之祥也

孫皓寶鼎元年丹楊宣騫母年八十因浴化爲鼃兄弟閉戶衛之掘堂上作大坎實水其中鼃入坎遊戲一二

日恒延頸外望伺戶小開便輪轉自躍入于遠潭遂不復還與漢靈帝時黃氏母同事御覽入百八十七續漢書曰靈帝時江夏黃氏之母浴而化爲黿入于深淵其後時時出見初簪一銀釵及見猶在其首吳亡之象也

魏元帝咸熙二年八月襄武縣言有大人見長三丈餘跡長三尺二寸髮白著黃巾黃單衣拄杖呼王始語曰今當太平晉尋代魏

武帝泰始五年元城人年七十生角殆趙王倫篡亂之象也

咸寧二年十二月琅邪人顏畿病死棺斂已久家人咸夢畿謂己曰我當復生可急開棺遂出之漸能飲食屈

仲視瞻不能行語二年復死

晉書校文二曰據顏含傳

闡顏府君碑同作二年誤御覽八百八十七引搜神記作十餘年是不止二年也

京房易傳曰至陰爲陽下人爲上厥妖人死復生其後

劉元海石勒僭逆遂亡晉室下爲上之應也

惠帝元康中安豐有女子周世安年八歲漸化爲男至十七八而氣性成京房易傳曰女子化爲丈夫茲謂陰昌賤人爲王此亦劉元海石勒蕩覆天下之妖也

永嘉初齊王冏唱義兵

御覽三百六十一引王隱晉書

安元年三月起兵至次年太安元年案固於永嘉元年即廢還第王書誤也

婦人詣大司馬門求寄產門者詰之

御覽三百六十一引王隱晉書作吏

聖婦曰我截臍便去耳是時齊王囧匡復王室天下歸  
功識者爲其惡之後果斬戮 永寧元年十二月甲子  
有白頭公入齊王囧大司馬府大呼曰有大兵起不出  
甲子旬四殺之明年十二月戊辰囧敗卽甲子旬也  
太安元年四月癸酉有人自雲龍門入殿前北面再拜  
曰我當作中書監卽收斬之干寶以爲禁庭尊祕之處  
今賤人徑入而門衛不覺者宮室將虛而下人踰上之  
妖也是後帝北遷鄴又遷長安宮闕遂空焉

元康中梁國女子許嫁已受禮娉尋而其夫戍長安經  
年不歸女家更以適人女不樂行其父母逼彊不得已

而去尋得病亡後其夫還問其女所在其家具說之其夫逕至女墓不勝哀情便發冢開棺女遂活因與俱歸後壻聞知詣官爭之所在不能決祕書郎王導議曰此是非常事不得以常理斷之宜還前夫朝廷從其議惠帝世杜錫家葬而婢誤不得出後十年開冢祔葬而婢尙生始如瞑有頃漸覺問之自謂再宿耳初婢之埋年十五六及開冢更生猶十五六也嫁之有子

光熙元年會稽謝眞生子頭大而有髮兩蹠反向上有男女兩體生便作丈夫聲經一日死此皇之不極下人伐上之痾於是諸王有僭亂之象也

惠帝之世

宋志作晉惠懷之世

京洛有人兼男女體亦能兩用人

道而性尤淫此亂氣所生自咸寧太康之後男寵大興甚於女色士大夫莫不尙之天下相倣效或至夫婦離絕多生怨曠故男女之氣亂而妖形作也

懷帝永嘉元年吳郡吳縣萬詳婢生子

宋志詳作祥

鳥頭兩

足馬蹄一手無毛尾黃色大如枕此亦人妖亂之象也

五年五月枹罕令嚴根妓產一龍一女一鵝

御覽三百六十一

一引干寶晉紀曰愍帝建興三年枹罕使人產一龍子色似錦文望之如見神光在牀上少有就視者案令升作建興三年與此作五年異京房易傳曰人生他物非人所見者皆

爲天下大兵是時帝承惠皇之後四海沸騰尋而陷於

平陽爲逆胡所害此其徵也

愍帝建興四年新蔡縣吏任僑妻產二女腹與心相合  
法苑珠林八十七引搜神記作新蔡縣吏任僑妻胡產  
二女相向案宋志承用干記之文惟妻胡下多年二十  
五四自胷以上臍以下各分此蓋天下未一之妖也時

內史呂會上言案瑞應圖異根同體謂之連理異畝同

穎謂之嘉禾

宋志異畝  
作異苗

艸木之異猶以爲瑞今二人同

心易稱二人同心其利斷金

宋志此句下有嘉徵顯  
見生于陝東之國二句蓋

四海同心之瑞也

宋志此句下有  
不勝喜

時皆晒之俄

而四海分崩帝亦淪沒

元帝太興初有女子其陰在腹當臍下自中國來至江

東其性淫而不產又有女子陰在首渡在揚州性亦淫  
京房易妖曰人生子陰在首天下大亂在腹天下有事  
在背天下無後于時王敦據上流將欲爲亂是其徵

三年十二月尙書駙謝平妻生女墮地漚漚有聲須臾  
便死鼻目皆在頂上面處如項口有齒都連爲一胷如  
鼈手足爪如鳥爪皆下勾此亦人生他物非人所見者  
宋志引此爲京房易妖語後二年有石頭之敗

明帝太寧二年七月丹楊江寧侯紀妻死經三日復生  
成帝咸康五年四月下邳民王和僑居暨陽息女可年  
二十自云上天來還得徵瑞印綬當母天下晉陵太守



以爲妖收付獄至十一月有人持柘杖絳衣詣止車門口列爲聖人使求見天子門侯受辭辭稱姓呂名賜

宋志

賜作錫

其言王和女可右足下有七星星皆有毛長七寸

天今命可爲天下母奏聞卽伏誅并下晉陵誅可

康帝建元二年十月衛將軍營督過望所領兵陳瀆女臺有文在其足曰天下之母灸之愈明京都道譁有司收繫以聞俄自建康縣獄亡去明年帝崩獻后臨朝此其祥也

孝武帝益康初南郡州陵女唐氏漸化爲丈夫

安帝義熙十年無錫人趙未

宋志十年作七年未作朱

年八歲一日

暴長八尺髭鬚蔚然三日而死

義熙中東陽人莫氏生女不養埋之數日於土中啼取  
養遂活

義熙末豫章吳平人有二陽道重累生

恭帝元熙元年建安人陽道無頭正平本下作女人形  
體

晉書卷二十九